

نسخه سی ۴۰ پاره در .

ابونهی : بر سهك اعتباریه ممالك
عنايه ایچون ۴۰ آتی آلمی ۲ غروش
ومالك اجنبیه ایچون اون ایکی فرانقدر

محل اداره بابعالی جوارنده ابوالسود
جاده سنده نجم استقبال مطبوعه سی

مَجَرَّةُ الصُّوفِيَّةِ

شیمدیک هفته در نشر اولنور .

تصوفی ، دینی ، اخلاقی ، سیاسی جریده اسلامیة در .

امور اداره و تحریریه و اعلانات و ساثره
ایچون مدیر مشولة مراجعت ایدلیدر .

عرفای امتك مقالات متصوفانه لریه
جریده صوفیهك صحنه لری آیتقدر .
درج ایدلمان اوراق اعاده ایدلر .

نَفْسِ شَرِیفِ

قرآن کریم :

۲

« والعصر : ان الانسان لفي خسر ؛ الا الذين آمنوا وعملوا الصالحات
وتواصوا بالحق . وتواصوا بالصبر . » سورة العصر .

مفهوم شریفی — « ایکندی حقیچون : کرچک انسان داثما خسران
وزیانددر . انحق الله ایمان ایدنلر ، عمل صالح ایشلهینلر ، بری برلرینه
هب حق و صبری توصیه ایلهینلر بو خسران وزیانه معروض بولمازلر .
ایضاح — شوسوره شریفده آدم اوغلنك ، هرذی حیات کبی ،
آنا قاتا ، ولوکه موقت برنما و کمال طبیعی به نامزد دخی اولسه ، خسران
وزواله زیان و خیاله دوعری قوشوب کیتدیکنی اخبار بویوران آیت
کریمهك باش طرفده برجزه زمان اوزرینه قسم الاهیك شرفواقع
اولماسی نعاقدار معنی داردلر ! خسران وزیانهك ، زوال و هلاکیزك تحققی
بزم انحق زمان تسمیه ابتدیکمز بر قید و نسبت ایله دگی در ؟ . ایشته
بوشایتكده بزه ناظر اولان وجهی بزه نفاقد مهم و معتبر ایسه ،
حقه ناظر اولان وجهكده اودرجه محترم و موقر اولدینی شایسته قسم
کورولمه سیله بیان بویورولور . ذاتا « ولاتسوالدهر ، فان الله هوالدهر »
حدیث شریفده بزه دهرک شأن مطلق الاهی اولدینی ؛ بوتقدیرده
عصر و ضحیك ، صبح و مسانكده برر شأن مقید ربانی بولوندینی
بك واضح کوستیرر .

حقیقت ، انسان شویله باشی ایکی آووجی ایچنه آلوبده برکندینی
دوشونسه ؛ الك طیبی وجهه عزیمتک الك صوك هدف و مرحلاسنك
نه اولدینی کلامق ایستسه درحال حکم ایدرکه خسران وزوال ، ثبات
و خیالدر ؛ برحکیمت دیدیکی کی کونلری کچیردیکمز دکل ، کونلرک
انحق بزم کچیردیکنی و کندیتزک کجوب کیتدیکنی ، زیان و افلاس اوچو
رومنه کوچمکده اولدینمزی ، آحق اولدینی قادارده آجی ، حس
ایدورز ! . . .

ایشته بویله برمرارت حسیه دن ، بواک بی آمان و سیاه اندیشه فردادن
قور تولق شبهه یوق که الك بویوک آدملق و بخیارلق در ؛ کریم و رحیم

اولان رب متعال بو عاقبت مدهشینی ؛ بو افلاس خاسری ، بواک دلسوز
و ذی فراق بر خننه حقیقی اشعار و ارائه بویوردقلری صیراده بر طرفندنده
اوندن خلاص و نجات اسباب و وسائلی ، امکانك صورت استحصالی
تیین و تعلیم بویورویورلر .

شبهه یوقدرکه زمانه بی قیناق ، کونلرده سوکوب صایق درجه لرنده
عمای قلب و قسوت درونه کرفتار اولانلر بوتبشیردن بهر مند اولاملرلر ،
انحق تنذیر سابقك دهاها بونشوسویه مخصوص دارالعبادنده ، غیای
خیت و خذلاننده « یالیتی کنت . ترابا » دییه بیلیمکه استعداد و ملامکه
آرتیریرلر .

« اللهم لاتجمعانی منهم ! »

انسانلر طاسم واکسیر ، افسون و تسخیر خولیلرندن هیچ بر زمان
فارغ قالماملرلر ؛ هربری طالب سعادتدر ؛ فقط بو طابی علی الاکثر
مبنی علو الشرطدر . هم او یله که جزئی و موقت برسی و جهده بیه عدم
تقارنی ایستر . برشی که یابر علاج اولسون ، یا آتی برتدیر حرکت
نوعندن بولونسون !

ایشته حضرت قرآن بزم بزلکمیزک خسران وزوالدن ، خذلان
واضحلالدن مصونیتی تأمین ایدمک اسباب و وسائل کوستیریور ؛
(ایمان) ؛ و بوایمانی ، بوتسلیمیت وجدانیه بی ، بو حزم قطعی فکری بی
حرکت و ارادت ، مجاهد و عادت حاله قویا حق (اعمال صالحه ، مواظبت)
مرحال و کارده (بری برلرینه قارشی داثما حق و صبری التزام و وصیت)
ایله مکدن عبارت ! . . .

دینه بیلیرکه بوسوره شریفه اسلوب بیان اعتباریه نه قادار موجز
ایسه حیات و فعالیت تطبیقی اعتباریلهده اوقادار ذی شمولدر . ایمان . .
برخالق عوالم و اکوانك وجود و وحدانیت ، بو وجود و وحدانیتك
مقتضای ذاتی اولان صفات و تجلیاته براطلاع وجدانی حاصل ایتک
شبهه یوقدرکه عجز بشره ، فناء فردی و صوره قارشی الك بیوک برچاره
تسلیت ، برذوق عبودیتدر .

بو ذوق عبودیتی بحق ادراک ایدن اعظم بشر دگی درکه انسانیتك
تاریخ فضیلت و کمالی میدان کتیردیلر . عجز بشیردن ، نومیدی آدمیدن
تمامیله خلاص و نجات بولدقلرینی اوهب بویوک کلکلیتی تمیل ایدن افعال
قهرمانانه ایله اثبات ایدیلر . . . اوزون سوزلره نه حاجت ؛ بو کونکی

والك مجهول ومنسى، متروك و مهمل بر بقاءه و سرحدده وظیفه سی او غور ندم ترك حیاتی نعمت و سعادت بیایر. اسلامده کی معنای جهادی تحدید و تقصیر ایدنلر حقیقهٔ يك بویوك قصور ایتمشلدرد. عجبا «رجعنا من الجهاد الا صغر الى الجهاد الا کبر!» فرموده پیامبر سنی دویمادیلر می؟ و جهاددن مقصود و غایه فردی واجتماعی عدل و کمال، فوز و صلاح اولدینی خاطرلره کتیر یلده می؟ .

قدرد ایمان اولیه برضیای وجداندركه یرتو اشراقی صالبدینی کو کمالدرده حق قور قوسندن غیری بر خوف و هراسه استعداد و مجال بیراقاز. یرتکه متصل خیر و کمال، رضای رب متعال یولنده علی التامادی بورونه؛ نه زمان، نرده بولونیایر سه بولونیاسین: متصل انفسی و افاق، شخصی و انامی برعلا و سعادت ایچون متصل صرف مقدرت ایدیله! بوضرعه باشه کله جك خیر و شر کافهٔ من طرف الله حواله ایدیله برر تازیانه محبت اثر تاقی ایدیلر. یرت، اوت یالکز یرتکه بوش دور و لماسین کو کدن برشی بکنمه سین، خیر و حکمت دن غیری بر غایه تعقیب ایدلمسین! . اسلام که انسانی یر یوزنده خایفه تلقی ایدر، بو خلافتک البته الك فعال و فیاض، الك عزوم و موفق بر صورتده اجرا آتی امر و استحسان ایلر .

اسلامده کی قدر و توکل نه بر طاقم مفتری و غرضکار جهانه ک، نه ده بر طاقم ذلیل و محقر جهال عاقله ک اکلامق ایسته دکلی کی در. قدر بحسب الاستعداد و بحسب الزمان اولیه بر طاقم تجلیات در که انسانلرجه معلومیتی آنحق بعد الوقوع، و حتی بعد الکسب در؛ بنابرین قدره انتظار یرینه حقل الطافه کسب استحقاق ایچون سعی یشمار کر کدر . اوائل اسلامده قدر هیچ بر زمان بکنمندی . (زحشری) نک قدر حقه ده او، کو کده یازیلر، یرده قازانیایر! «سوزی يك بابانه آتیله حق سوزلردن دکل در .» ایس للانسان الاماسی «ده بونی دنیا و آخرت ایچون تشمیل و بوضورتله تأیید ایدر . (توکل) ک ده الك ابتدائی معناسی قبول و کالت و مسئولیت اولدیغه کوره، (قدر) . معتقد، و (توکل) دن بحق حائز نصاب مرد دلیر ایچون قالان ایش آنحق دائمی سعی و ثبات، مستمر آغزا و جهاد در؛ چونکه رضای رب عباد بودر .

اسلامده درجه ایمان، درجهٔ عزم و اجرات ایله اولچولور. بر حدیث شریفده جناب صدیق (رضی الله عنه) ک بوتون اسلاملرک ایمانیله توازنندن بیله بر تروعالی بر ایمان سرّی صاحبی اولدقلری تبشیر بویورو. لمشدرکه ارتحال نجی ایله حضرت صدیق کواستردکرم عزم و جزم اجرات دهشت آیات تمامیه بونک شاهد معظمی در . قوجه صدیق اولیه بر قدرت اراده، اولیه بر عظمت ایمان اظهار بویوردیلر که دون کبی بو کونده اونک قارشینسند کوجکک دویور! .

ایشته ایمان و اونک لوازمندن اولان قدر و توکل عقیده مقدسه سی ازلی بر عشق و ارادت، بیله از بر سعی و غیرت، اولمز بر حسن وظیفه و عبودیت دارالبحاریدر .

شریتک بیله صمیم فواندندن، سویدای قلبندن سووب تقدیس ایلدیکی حتی او غورلرنده بوتون مال و جاننی فدا ایلهمکی نعمت عظما تاقی ایلهدیکی اعلیٰ نجی آدم هب بوزوق عبودیتی ادرک، و اونی محیطنه و حتی بوتون جهانه اذافیه بذل قدرت و اهتمام بویوران پیغمبران ذیشان دکلدر؟ . .

ایمانده کی قدرت و عظمتی، شوکت و سطوتی الك واضح و قطعی کورمک ایسترسه ک، ایضاح معانی و معالیمه یا تمکله مفتخر و مباهی اولدیغمز شوسورهٔ شریفه ک، بیانات الاهیته ک تبلیغکار مقدسی جناب پیغمبر حکمتپور (صلی الله علیه و سلم) افندیز حضرت تلیرتک ناصیهٔ بیضای همتلرینه عطف نظر کافی در . (طوماس قارلایل) و امثالی اجانب بیله ناصیهٔ پاک محمدک (صام) چین باند ترین انسانیت اولدیغنی اعتراف ایله بر حظ مفخرت دویورلر! . .

ایمان، یکنانه قیمت انسان در . انسانلرک حیات و حتی ماورای حیات فردیه ایچون بسله دکلی آمال و اعتقادات، تلقین و جزم ایله دکلی افکار و محاکات نهاییه بر ایمانه پیوسته اولور . بو کون بر پروغرام داخلنده حرکت ایدنلر، برامل پینده دوشوب قالقانلر، حاصلی بیله رک و بر غایه کوره حیاتکذار اولانلر — ولوکه بزم قبول ایستیکمز معنای قدساده اولماسه — شبهه یوقدرکه هر شیدن اول بر ایمان و جزمه؛ الك عمومی معناسی مراد ایدیک اوزره، حیات و حرکت حقه ده بر فکر مستقر اساسیه مالک درلر . یوقسه بویله اساسی بر فکرندن، ایمان و اعتقاددن محروم اولانلرده، دون درجه ده اولسون، بر ارادت بولماز خالق و مخلوقات، حق و کائنات، روح و حیات حقه ده کوملک دیکشدریر کبی تبدیل فکر و نظر ایدنلر او بردنیایه وارمه دن داها بودنیاده خسران و حرامان ایله قارشیلایشیرلر .

واقعا بزم صدور مقصد مزایمان اسلامدر. اونک علویت و قدسیته مهما ممکن ایضاحه جالشمق در؛ فقط الك عمومی بر معنای ایمان، بر مسای جزم و ایقان دریش نظر ایدیلر سه، او علویت و قدسیته ک تقدیر قیمتی اوقادار اکتساب وضوح ایده مز .

الله، مالکترین، کتابلرینه، رسوللرینه، یوم آخرته، قدره ایمان او درجه بر قدرت قاب و جنان بخش ایدر که دنیا و مافیها اونک یاننده هیچ در. بویله بروجدانه ناسفلی بر غرض، نه ده آتی و موقت بر حرص و آزه، قابل دکل، کیرمز. ذلت و مسکنت، ردائت و دنائت ابدالآباد بابانجی قالیر . ایمان اسلامک نه درجه لره قادار بر فعالیت و فیاضیت، بر عزم و ارادت احتوا ایستیکنی کوروب اکلامق ایستر ایسه ک؛ مع التأسف ینه صدر اسلامه، صدر اسلامده کی سیرت فاضله یی اولدقچه یاشاده بیان آرامزده کی يك نادر حقیقی نماین اسلامه باقی کفایت ایدر .

یوم آخرته ایمان بر نور جناندر که صولک نفسده بیله وظیفه پرورلک حسن ایستدریر. وسعی و غیرتی، عزم و ارادتی قطعاً تحدید ایتمز. بر مجاهد اسلام جهانه ک بوتون لطیف و تقدیرلرینه عنقا پسندانه استغفارلر کواستریر .

حقیقتدن احکام عادلہ دیانت لامع اولدجه بوسامره غبرا کونا کون فیوض غیر متاہیة الہیہ مستشرق اولدی هانکی قلب صافی درکه بنور عالم افروزدن اقتباس فیض وکال ایتکه ساعی اولسون دین اسلامیت عالی در مقدسدر . متین در سهل الاجرادر انده عسرت تصور اولنمز قرآن کریمک احکام جلیلهندن استنباط اولنان بوقدر مسائل کتب فقهیه یی تشکیل ایدمور هانکی حکمنده بر اعوجاج وسقامت کوریلیمور . بوتون احکام فقهیه عقول سلیمه نیک بلا تردد قبول ایتدیکی احکام فوز ورشاددر باعث امن وسلامتدر .

عالم اسلامیت اتساع بولدجه انواع علم ومعرفده هر طرفده منجلی اولدی اثار مدونه شواهد عادلهدندر ، قواعد علوم وفنون تأسیس اولدی ترقیات متابعه بو اساسلردن الندی ارتحال پیغمبریدن سکره خلفای راشدین بو اثر عالییه اتباع ایدرک نشر عدالت ایتدیلر رسول مجتبانک تعیین ایتدیکی مناهج حقیقتدن و احکام شریعتدن سرموانحراف ایتدیلر طرف طرف توسیع دائره اسلامیت ایله بودین مینک احکام نجات بخشاسیله کائناتی تنویر شتاب ایلدیلر . حضرت ابابکرک یار غار رسول ذیشانک غریمات کرامی مشهوردر . حضرت عمر وعثمان وعلی رضوان الله تعالی علیهم حضراتی ده بو اثر کریمه اتباع ایتدیلر ساحة اسلامیت عدالت وحقانیت ایله طولدی اطراف ونواحی فتوح عظیمه ایله داخل حوزه اسلامیت اولدی ، بو احوال بوتون اسلامیتک مآثر علویه سنه دلالت ایدن مفاخر عظیمه دندر . بر زمانلر بغداد اوشهر دلار او دارالسلام مرکز انتشار فیض ومعرفت وائمه مجتهدینه مقرر اوله رق فیوض وکالات ایله غبطه رسان کائنات ایدی ، مدارس ومجالس علما طرف طرف نشر انوار فضائل ومحاسن ایدردی هارون الرشید او خلیفه عادل وکزین زمان خلافتده علم ومعرفه فوق العاده انهماک کوستره رک وهر طرفده انتشار ایدن اثار فونه وحکمیاتی کسوه لسان عربیه صوفرق اقتباس مآثر عرفان وحکمت ایلدی هر کیجه مجلس فیضا فیض تشکیل وکندوسی بو مجالس ریاست ایدرک بوتون علوم ومعرفتی وسلسیل ماء الحیاء کالاتی اوشهر عظیمه و بوتون خطه عراقیه اساله ایتدی نیجه علما وفضلا ساحة زب ظهور اوله رق افکار حکمت وسیاست ایله فیوض متنوعیه مرکز جولان اولدی واسفاکه هلا کونک اوشهر حبیبی خطه عراقیه یی استیلاسی دها طوغریسی او خلفانک ییلرنده عارض اولان نفاق الجاسیه حکمت حکومتی فراموش ایدرک وانواع حضوره طاله رق قیدسزلقلری نتیجه سیله بوتون او منبع فیوض معرفت بر زمان امام غزالی کبی بر تحریر عظیمک مرکز تدریساتی اولان مدرسه نظامیه بیله رهین اندراس اولش وارقی اثار معرفتدن بر شی قلامش ایدی .

خالص

بونک ایچون درکه اسلامک غایه سی ، مفکوره سی صوک نفسده بیله ایماندر : لکن مبدائی ده بودر . حاصلی ایمان فعالیت بشریه وحرکت آدمیه نیک هدفی اولان کال وخیر محضک نورصمدانیی در .

مابعدی وار - ۷ نیسان ۳۳۰ - چنکل کوی

معلم وحی

یاد ماضی

صوک بهارک الکلیف کونلرندن بری اولان بر پنجشنبه کیجه سی لیله مسعوده قدره معارف ایدی سنه لرجه متاعب یومیه نیک زیر اضطرابنده قالمش اولان بو جسم زارم تحسبات کونا کون ایله المناک ایدی ، وقت ظاهره طوغری ابدست الدم یازیخانه مه کادم امام فخرالدین رازینک اسرار التزیل نامیه موسوم اثر جلیلندن کله توحیده دائر اولان بحث لطیفی لسان عثمانیه نقل وترجمیه قویولدم مشار الیه ک تفسیر کیرندن بشقه بوازنده حقایق قرآنییه وحکمت خالق وتکوینی واسرار خلقتی وبشریتک عجزینی وانسانی مادی ومعنوی مساعیه سائق اولان جهتلری الک زیاده بو اثر مهمنده بحث وایضاح وتهذیب وتنویر ذات وصفات ایچون انواع مباحثی بحث وایراد ایلشدر . قرآن کریم او صحف مقدسه فیض کریم سبجانیی اولمق اوزره جناب حقک عبادینه شهراه مستقیم کوسترمک ایچون کوندردیکی شرایع و احکام موجب سعادت بشریه در . هر فصل بدیی دستور حکمت وادب ، نه لاهوتیانه انشراح انسان اوقودجه ومعالی معانیی ایله ایلتاف ایتدیکه انوار تجلیاته مستشرق اولماقی قابل اولنمز انسانیت انده فیض وکال وسعادت بولور . کلام الہی در ، مقدسدر هادی راد نجاتدر ، سبل السلامدر رسول اکرم افندمزه زمان زمان شرفنازل اولدجه هر حقیقه حکمت مشحونه بلغای عرب حیران اولدیلر نبی امی رسول مجتبا افندمزه جبریل امین تبلیغ احکام ایتدیکه صحف منزله مقدسه یی بیت معظمیه تعاقب ایتدیلر ایدی هر آیت بلاغت انجاسی احتوا ایتدیکی احکام حکمت ییشوای فوز وسعادت اولدیفنه شهب ایدن اولمزدی ، قومک ضلالده اصرار ایدنلری راه مستقیمه کیرمدیلر نبی اکرم افندمزه کجالاتی صحفه پیرای تاریخ اسلامدر الہی نبی مقدسنی تبلیغ احکام ایله مأمور ودین مبین اسلامیتی احکام منجیه سیله تبلیغ ایلدک قبول ایدنلر نائل سلامت وسعادت اولدیلر ، دائره اسلامیت توسع ایتدی ، بو دینک علوی کون کبی آشکار اولدی بو دار انتقالده رسول اکرم تأسیس احکام شریعت امرنده پک بیوک مشکلات کوردیلر قومندن ظهور ایدن اذاره تحمل ایتدیلر . بو امت ناجیه یه بر درس عبرت تشکیل ایدر . عاقبت فوز ونصرت جانب اسلامیتده قالدی احکام جلیله دین مبین هر طرفی انواریه تابناک ایتدی بو مشکاه